



D. Virginis Oetinganæ Historia

Irsing, Jakob

Monachii, 1643

C. II. De Oetingæ origine.

[urn:nbn:de:hbz:466:1-64940](#)

LIBER I.

5

Obiacentes in plana latè patentia,
desinunt, certa veterum castrorum
visuntur vestigia, fossâ vallôque
contra Veterem Oetingam obiecto.
Ea quis, aut quo tempore munierit,
omitto disquirere, nullum facilè te-
stem Veritatis inuenturus.

CAPUT II.

*De Oetingæ siue Pontis Oeni
Origine.*

Am Europæ, Asiæ, Africæ pars
magna Romanis armis cesserat, e-
rantque regna in Provinciarum
formam redacta, ductæque in Pro-
vincias Coloniæ: cum elatum victo-
riis, ingentique dominatu populum,
Germania, gentesque Cis- Danubia-
næ, nondum domitæ, solicitabant.
Itaque bellum in Rætos, Videlicōsq;
decretum. quod auspiciis Augusti
Tib. Claud. Nero, & Nero Claud.
Drusus, priuigni, arte potius, quam
viribus, quippe validis Marte popu-

B lis

6 OETINGANA HISTORIÆ

lis impigrè pro libertate dimicantibus confecerunt.

Non multò antè subacti erant Norici. qui cùm iuncti Pannoniis infestum in Istros exercitum intulissent: à Silio Romano duce excepti, & ad pacem petendam, atque imperata facienda sunt compulsi. Binæ inde Romanorum in Germaniâ citeriore factæ prouinciæ: Rætia, & Noricum. Quarum vtraque bifariam subinde diuisa. Rætiam discreuit in primam, & secundam Hadrianus Imperator, sub A. C. C XX. Primæ, superioris, & alpestris; secundæ, inferioris, & campestris, vtrique à situ, nomina accesserunt. Norico etiam gemitatum nomen. Quod secundum ripam Danubii ad alpes usque patet, ripense; quod inde ad Italæ limitem pertinet, mediterraneum dicebatur. Antè quam in ius ditionemque Romanorum venirent Norici, regibus paruisse constat. etenim Voconis nomen

Panegy. in
Com. ad
Notit.

nomen prodit Cæsar in Commenta.
Bell. Gall.
 riis: quem nuptui dedisse sororem
Bell. Civ. L. 1.
 Ariouisto, Germanorum Regi; &,
 bello ciiali, Cæsari equitum subsidi-
 um misisse, credibile. Romanorum
 rum in Norico potiti urbes opportu-
 nis locis complures condiderunt, &
 Colonias aliquot, domitæ genti ad
 officia legum imbuendæ, duxerunt.
 Illis accenset Auentinus Oeni Pon-
In Oeting.
 tes. Verum, vti satis liquet, Lauria-
Vels. l. 3.
 cum, Ouiliam, Juuauiam Colonias
 fuisse: ita præter has aliæ exiguis mo-
 mentis asseruntur. Mansionem fuis-
 se, siue hospitium ordinarium Ro-
 manorum militum, è Pannoniâ in
 Rætiam primam, vel Galliam pro-
 cissentium, litterarum fide
 satis compertum
 est.